

ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱԾ ԱՂ. ՍՊԵՆԴԻԱՐՅԱՆԻ ԾՆՆԴՅԱՆ
100-ԱՄՅԱԿԻՆ

1971 թ. զեկտեմբերի 13-ին տեղի ունեցավ Հայկական ՍՍՀ գիտությունների ակադեմիայի արվեստի ինստիտուտի, Հայաստանի կոմպոզիտորների միության և Երևանի Կոմիտասի անվան պետական կոնսերվատորիայի միացյալ զիտական նստաշրջանը՝ նվիրված Հայկական սիմֆոնիկ երաժշտության հիմնադիր, հայ դասական երաժշտության ակադեմիկոս Ներկայացուցիչ, մեծ կոմպոզիտոր Ալեքսանդր Սպենդիարյանի ծննդյան 100-ամյակին:

Բացման խոսքով հանդես եկավ արվեստի ինստիտուտի ղեկավար, արվեստագիտության դոկտոր, պրոֆեսոր Ռ. Վ. Զարյանը, որը տվեց Սպենդիարյանի ստեղծագործության հակիրճ բնութագիրը և ընդգծեց այն խոշոր նշանակությունը, որ նա ունեցավ և շարունակում է ունենալ հայ երաժշտական ստեղծագործության զարգացման գործում:

«Ալեքսանդր Սպենդիարյանը և հայկական մշակույթը» թեմայով զեկուցեց արվեստագիտության թեկնածու Ք. Գ. Գրիգորյանը: Նա ցույց տվեց, որ Սպենդիարյանն իր ամբողջ կյանքի ու գործունեության ընթացքում միշտ սերտորեն կապված է եղել հայ իրականությանը և Հայաստանի փոխադրվելու հանդիսացավ այդ կապերի տրամաբանական արդյունքը:

Արվեստագիտության թեկնածու, դոցենտ Մ. Ա. Տերյանի զեկուցումը նվիրված էր կոմպոզիտորի «Երեք արմավենի» (ըստ Մ. Լերմոնտովի բանաստեղծության) սիմֆոնիկ պատկերին, որը

ժամանակին արժանացավ Գլխավոր անվան մրցանակի:

Ալեքսանդր հանդես եկավ արվեստագիտության թեկնածու Ն. Կ. Թադևոսյանը: Նրա զեկուցումը՝ «Ալ. Սպենդիարյանի երաժշտական լեզվամտածողության զարգացումը» թեմայով, ցույց տվեց այն էվոլյուցիան, որ ունեցավ կոմպոզիտորի երաժշտական ոճը՝ ընդհանուր եվրոպականից դեպի նոր արևելյանը՝ հիմնված հայ ժողովրդական երաժշտության օգտագործման վրա:

«Ալմաստ» օպերայի ժանրային հատկանիշների բնութագրության հարցերին նվիրեց իր զեկուցումը արվեստագիտության թեկնածու Գ. Շ. Գյոզալյանը: Նա «Ալմաստը» բնութագրեց որպես դրամատիկական, խոր հոգեբանական օպերա, որի մեջ առկա է նաև հայրենասիրության թեման:

Արվեստագիտության թեկնածու Կ. է. Սարգսյան-Նուգարայանն իր զեկուցումը նվիրեց «Ալմաստ» օպերայի լիբրետիստ, բանաստեղծուհի Ս. Պառնոկին և ցույց տվեց նրա կատարած նշանակալից աշխատանքը լիբրետոյի ստեղծման գործում:

Գիտական նստաշրջանում կարգացված վերջին զեկուցումը կրում էր «Մի էջ «Ալմաստ» օպերայի բեմական պատմության» վերնագիրը, որով հանդես եկավ արվեստագիտության թեկնածու Ռ. Ա. Աթայանը:

Մ. ՄՈՒՐԱԴՅԱՆ

ԻՐԱՆԻ ՊԱՏՄՈՒԹՅԱՆՆ ՈՒ ՄՇԱԿՈՒՅԹԻՆ ՆՎԻՐՎԱԾ
ԳԻՏԱԿԱՆ ՆՍՏԱՇՐՋԱՆ

Իրանական պետության 2500-ամյակի կապակցությամբ Սովետական Միությունում իրականացվող գիտական միջոցառումները կոորդինացնող ՍՍՀՄ գիտությունների ակադեմիայի նախագահության հատուկ հանձնաժողովի նախաձեռնությամբ ս. թ. սեպտեմբերի 27—30-ը լենինգրադում անց կացվեց գիտական նստաշրջան:

Իրանի պատմության կարևոր այս տարեթվի առթիվ գումարված գիտաժողովը կոչված էր Իրանի պատմության ու մշակույթի տարբեր հարցերի մշակման ճանապարհով ցույց տալու նաև սովետական մասնագետների կարևոր ավանդը իրանագիտության զարգացման գործում:

Զեկուցումները նվիրված էին հին և վաղ միջնադարյան Իրանի հիմնական փուլերին (Ա-

քեմենյան, Պարթևական, Սասանյան), նրա պատմության քաղաքական, մշակութային, սոցիալ-տնտեսական կողմերին:

Բացի այդ, նստաշրջանի նպատակն էր շոշափել Իրանի հարևան մի շարք երկրների պատմության հետ առնչվող հարցեր, ինչպես նաև ցույց տալ այդ երկրների կապը Իրանի հետ:

Նստաշրջանը բացեց ակադեմիկոս Բ. Բ. Փաֆուրովը (Մոսկվա), որը հանդես եկավ «Աքեմենյան տերությունը և համաշխարհային քաղաքակրթությունը» զեկուցումով:

Հանդիսանալով հինարևելյան վերջին պետությունը, Աքեմենյան Իրանը շատ բան ժառանգեց հինարևելյան աշխարհից, նրա մեծագույն նվաճումներից, որոնց վերամշակման եղանակով կարողացավ ստեղծել իր սեփական մշակույթն ու քաղաքակրթությունը: Այնուհետև, նրա պետական կառուցվածքի որոշ առանձնահատկություններ, ներքին կազմակերպման առանձին դժեր, սոցիալ-տնտեսական մի շարք հաստատություններ և մշակութային երևույթներ փոխանցվեցին Հին Աշխարհի մի շարք պետությունների և ժողովուրդների, առաջին հերթին հելլենիստական պետություններին:

Ակադեմիկոս Բ. Բ. Պիոտրովսկու (Լենինգրադ) ղեկուցումը («Վաղ սկյութական առարկաների հինարևելյան ոճի մասին») նպատակ ուներ մեկ անգամ ես դրսևորելու Ասորեստանի ու հատկապես Ուրարտուի, ինչպես նաև Աքեմենյան Իրանի մշակույթի ու արվեստի ազդեցությունը մ. թ. ա. VI—IV դարերի սկյութական մի շարք գեղարվեստական ակնհայտ արժանիքներով օժտված ոսկե իրերի վրա, որտեղ յուրահատուկ ձևով համադրվում են հինարևելյան և սկյութական մշակույթները:

Ի. Մ. Դյակոնովի (Լենինգրադ) զեկուցման («Արևելյան Իրանը մինչև Կյուրոսը») մեջ քննության առնված հիմնական հարցերից մեկը հնդեվրոպական ցեղերի (մարերի և պարսիկների) Իրանական սարահարթ ներթափանցման ուղիների հարցն էր, որը, ինչպես հայտնի է, դեռևս լուծված չէ: Զեկուցողի կարծիքով իրանական ցեղերը եկել են Միջին Ասիայի ու Խորասանի վրայով, տեղավորվելով այնտեղ, որտեղ IX դարից սկսած հանդիպում ենք մարերին, իսկ VII դարից՝ պարսիկներին, այսինքն Ուրմիա լճի շրջանում և Պարսից ծոցի մերձակայքում:

Մ. Ն. Բոգոլյուբովի և Վ. Ա. Լիֆշիցի (Լենինգրադ) զեկուցումները նվիրված էին Պարսկաստանի հուշակավոր մայրաքաղաքներից մեկում՝ Պերսեպոլիսում, պեղումների ընթացքում հայտնաբերված քարե սանդերի վրա պահպանված արամեական արձանագրությունների մեկ-

նարանմանը: Նման սանդերում հատուկ բույսերից պատրաստվում էր պաշտամունքային նպատակներին ծառայող հառման՝ սրբազան խմիչքը՝ Ելեբլով այս հանգամանքից, որոշ գիտնականներ խոսում են այդ արձանագրությունների պաշտամունքային բովանդակության մասին: Զեկուցողները պարզել են, որ Արախոզիայից՝ Աքեմենյան տերության միջինասիական սատրապությունից, որպես տուրք Պերսեպոլիս բերված անոթների վրա հանդիպող արամեական արձանագրությունները տնտեսական բնույթ ունենին և ծառայում էին հաշվառման նպատակներին:

Պարթևական պետությունում աքեմենյան ավանդույթների պահպանման մասին խոսեց Ն. Վ. Զեյմալը (Լենինգրադ): Աքեմենյան ավանդույթների դերը Առաջավոր Ասիայի մի շարք երկրների պետական հասարակական կյանքում քաջ հայտնի է, այդ են վկայում նաև Հայաստանի նյութերը: Ոչ պակաս հետաքրքիր է աքեմենյան ավանդույթների գոյության փաստը բուն Իրանում՝ ետաքեմենյան պետություններում, Պարթևների և Սասանյանների մոտ: Առաջադրված նպատակին զեկուցողը մոտեցել էր՝ որպես հիմք ընդունելով դրամագիտական նյութը: Նրան հաջողվեց բերել հավաստի տվյալներ, որոնք խոսում են պարթևական դրամների հակառակ կողմի վրա հանդիպող նստած աղեղնավորի աքեմենյան ծագման մասին: Պարթևական դրամագիտության մեջ լայն տարածում գտած այս պատկերատիպը իր որոշակի, համոզեցուցիչ նախորդներն ունի աքեմենյան սատրապ Դատամեսի մ. թ. ա. IV դարում կտրված դրամների վրա:

Մեծ հետաքրքրություն առաջացրեց Վ. Պ. Սմիռնովի (Մոսկվա) հաղորդումը Բաշկիրիայում հայտնաբերված աքեմենյան ժամանակաշրջանի ներմուծված իրերի մասին: Նրանց մեջ առանձնահատուկ տեղ է գրավում ալեքսանդրե մի անոթ՝ եգիպտական գաղափարագրերով և աքեմենյան սեպագրերով կազմված արձանագրություններով, որոնք հիշատակում են Աքեմենյան Արտաքսերքսես արքային (հավանաբար, Արտաքսերքսես I-ին, մ. թ. ա. V դարի կես):

Իրանական ծագում ունեցող իրերի հայտնաբերումը Ուրալյան լեռների մոտակայքում կամ նույնիսկ ավելի հյուսիս, նորություն չէ: Իրանական մետաղե իրերը հնում գոյություն ունեցող առևտրական ճանապարհներով հասնում էին հյուսիսային երկրները մորթիների հետ փոխանակվելու համար:

Վրացական գիտական հիմնարկների ներկայացուցիչների զեկուցումները դրված էին հնագիտական նյութերի հիման վրա: Ո. Դ. Լուդկիսյանի (Թբիլիսի) խոսեց Արևմտյան Վրաս-

տանի վանիի հնավայրի պեղումներից հայտնաբերված ոսկե վարսակալի մասին, որի շեղանկյունաձև ծայրերի վրա դրվագված պատկերները հնարավորություններ են ընձեռում կուլտուրապատմական կարգի մի շարք դատողությունների համար: Զեկուցողի կարծիքով հիշյալ իրը արտացոլում է Կողբիսի և Իրանի միջև գոյություն ունեցող մշակութային կապերը, քանի որ ղերվագված պատկերները հիշեցնում են Զիվիեհ, ինչպես նաև մարական ու աքեմենյան ժամանակաշրջանի արվեստի այլ գործերի վրա հանդիպող գեղարվեստական սկզբունքները:

Յու. Մ. Գալոշիձե (Թբիլիսի) պատմեց մ. թ. ա. V—III դարերի Արևելյան Վրաստանի խեցեգործության մասին, որը, որակապես տարբերվելով նախորդ ժամանակաշրջանների խեցեղենից, կրել է ուրարտական և իրանական խեցեգործության ազդեցությունը: Ներկաները մեծ հետաքրքրությամբ դիտեցին նույն այդ ժամանակաշրջանին վերաբերող գունազարդ կավանոթների մի քանի նմուշների նկարները:

Լ. Գ. Ալիև (Բաքու) հնագիտական, հատկապես դամբարանային նյութերի հիման վրա վերականգնել էր ալանա-սարմատական ցեղերի ճանապարհը Հյուսիսային Կովկասից մինչև Իրան: Զեկուցողի կարծիքով այդ ճանապարհի մի հատվածն էլ անցնում էր Կուր գետի հովտով, ինչպես այդ վկայում են Մինգեչաուրի պեղումները:

Գ. Խ. Սարգսյանի (Երևան) զեկուցման մեջ ցույց էր տրված, որ պարթևների պատմության որոշ բացեր հնարավոր է մասամբ լրացնել հայ վաղ միջնադարյան աղբյուրների և առաջին հերթին Մովսես Խորենացու «Հայոց պատմության» տվյալներով:

Կ. Լ. Հովհաննիսյանը (Երևան) կանգ առավ էրեքունի—Արինքերդի աքեմենյան ժամանակաշրջանի հուշարձանների վրա (սյունազարդ դահլիճ, հրո տաճարներ և այլ նյութեր), որոնք միաբերան վկայում են այդ հուշակված ուրարտական կենտրոնի մեծ նշանակության մասին նաև հետագա դարերում:

Ի. Ա. Տիրացյանի (Երևան) զեկուցումը կապված էր Աքեմենյան Հայաստանի ներքին պատմության մի քանի հարցերի հետ (սատրապի հողային տիրույթներ, արքունիքն ու գրասենյակը, սատրապության զինվորական կազմակերպությունը):

Մի շարք զեկուցումներ նվիրված էին Իրանի վաղ միջնադարյան պատմությանը և մշակույթին Սասանյանների օրոք, ինչպես նաև միջինասիական մշակույթների հետ դրսևորվող առնչությունների ուսումնասիրման արդյունքներին:

Գիտական նստաշրջանին մասնակցում էր Իրանի պիտնականների պատվիրակությունը, որի մի շարք անդամներ հանդես եկան զեկուցումներով:

Ա. Նեզամբաճը պատմեց Մարլիկում իր դեկավարությամբ կատարված պեղումների մասին, որոնք տվել են ուշագրավ արդյունքներ: Մարլիկի մշակույթը հայտնի է իր ինքնատիպությամբ և բազմազանությամբ, առանձին իրերի գեղարվեստական բարձր արժանիքներով:

Ա. Շաֆան, որը հայտնի է իրանագիտության պատմության ասպարեզում կատարած ուսումնասիրություններով, կանգ առավ սովետական իրանագետների աշխատությունների գնահատման ու ընդհանրացման հարցերի վրա:

Նստաշրջանի կապակցությամբ Պետական էրմիտաժը Արևելքի բաժնի ջանքերով Գեորգիյան դահլիճում կազմակերպեց իրանական նյութական մշակույթի և արվեստին նվիրված մեծ ցուցահանդես: Էրմիտաժի աշխարհահռչակ նյութերի հետ միասին ցուցադրվել էին Միջին Ասիայի և Անդրկովկասի մի շարք թանգարանների նյութերը: Այցելուները մեծ ուշադրությամբ էին դիտում էրեքունիի թանգարանից բերված արծաթյա պոյակները (ոխտները), որոնք հայտնաբերվել էին 1968 թ. վերջերին Արինքերդի շրջակայքում:

Գ. Ա. ՏԻՐԱՑՅԱՆ

ԲՅՈՒՋԱՆԳԱԳԵՏՆԵՐԻ ՄԻՋԱԶԳԱՅԻՆ XIV ԿՈՆԳՐԵՍՈՐ

1971 թ. սեպտեմբերի 6—12-ը Բուխարեսում կայացավ բյուզանդագետների միջազգային XIV կոնգրեսը: Նրա աշխատանքների մասնակցեցին աշխարհի ավելի քան 30 երկրներից շուրջ 680 մասնագետներ, այդ թվում ՍՍՀՄ-ից՝ մոտ 40 հոգի: Կոնգրեսը ակնբախեցնող ցուցադրեց բյուզանդագիտության բուրն զարգացումը ամբողջ աշխարհում:

Թուսինական Մոցիայիստական Հանրապետության Պետական խորհրդի նախագահ Ն. Զաուշենկուի՝ կոնգրեսի մասնակիցներին ուղղված ուղերձում ընդգծված էր այն նշանակությունը, որ ունի անցյալի պատմության ուսումնասիրությունը, մասնավորապես բյուզանդագիտությունը, հատկապես այն ժողովուրդների համար, որոնք ժամանակին կրել են բյուզանդական